

बुद्ध वचनमृत

(भाग ३)



ख० रामलाल उपासक

नमोऽस्तु भगवतो अरहतो सम्मा सम्बुद्धस्स

बुद्ध पंचनामृत

(भाग ३)



प्रकाशक—

ख० रामलाल उपासक

मथुरामाया उपासिका

सल्लिकादेवी उपासिका

प्रकाशक-

ख० रामलाल उपासक
मथुरा माया उपासिका
मल्लिकादेवी उपासिका
दुमंबही-३



प्रकाश:-

बुद्ध सम्बत- २५३९

वि. सं.- २०४४

ने. सं.- ११०७

इ. सं.- १९८७



ख० रामलाल मानन्धर



श्रीमती मथुरा माया मानन्धर

निगू शब्द

ध्व बुद्ध वचनामृत सद्धर्मसूत्र संग्रह तृतीय भाग धर्मसफूली उल्लिखित जुयाच्चंगु बुद्धोपदेश भगवान बुद्धं थःगु जीवनकाले श्रद्धालुपिन्त बोध यायेत धर्म ज्ञानया सत्य बोध ज्वीगु शिक्षा बिया बिज्यागु संगृहित पालि वाङ्मय त्रिपिटक धर्मग्रन्थ सूत्र विनय, अभिधर्म मध्ये, सूत्रपिटकया अन्तर गत

आदि

अनुवादक ख० रामलाल उपासकया थःगु श्रद्धां संक्षिप्त कथं सूत्र व सद्धर्मया उपदेश उद्धृत यानाथुगु धर्म सफू प्रकाश याय्त नं मागु आर्थिक व्यय नं स्वयम् थःव थः परिवार वेक या श्रीमती मथुरामाया म्हाय् मल्लिकादेवी पिनि सहयोगं पिदना च्वंगु, ध्व भगवान बुद्धया उपदेश कथं ससारे फुकदान सिवे धर्मदान श्रेष्ठोत्तम धया बिज्यागु बुद्ध वाक्य—

“सब्ब दानं धम्म दानं जीनाति”

सत्य वचनयात लुमंका बुद्धधर्म चीरस्थाइ कामनां, सकल या हित सुख व शान्ति ज्वीगु लँपु हे सद्धर्म खः उकिं धर्मया शिक्षा पालन याय्गु हे मनुष्य जीवनया सार्थक खः ।

उकिं श्रद्धालु पाठकवर्गपिसं अनुवादकया परिश्रम ध्व श्रद्धा धर्म पुष्पयात ग्रहण याना, धर्म फुथे पालन याना बिज्यात दिल धासा— ‘दातापिनि धन परित्यागं थुगु धर्मसफू दानया महत्फल प्राप्त ज्वीगु पुण्य कार्ये खः । बुद्धधर्म चीरस्थाइ जुया लोक कल्याण ज्वीगु खः भापा च्वना थमं सःथे थुगु सफू

प्रशाशया निति प्रेशया प्रुफु स्वेगु ज्या यानागु कुशल पुण्य
धर्म नं विश्वे सकल सत्त्व प्राणिपिन्त शुभ मङ्गल शान्ति
जुइमाः ।

भिक्षु सुबोधानन्द महास्थविर
गणमहाविहार येँ
काठमाडौं, नेपाल



Dhamma Digital

थःगु मन्तव्य

स्वाकखातो भगवता धम्मो- आदी, मध्य, अन्त्य = शील
समाधि प्रज्ञा कल्याण ज्वीगु बुद्ध बचन खः एहिपस्सिको वि-
शाखा उपासिकाया पूर्वाशम बिहार दयका बुद्धप्रमुख भिक्षु
संघये प्रदान जूबले भगवानं उपदेश-

यथापि पुष्करासिम्हा, कयिरामाला गुणेबहु ।

एवं जातेन मच्चेन, कत्तवं कुशलं बहु । १०। ध. प.

अर्थ- गये चतुरम्ह मालि स्वांयारासय सुगम्ह स्वात्पया
मा हनीथ्ये संसारय उत्पन्न प्राणिपिसं आपाल आपा कुसल
कर्म यायमा ।

वितर्क भावना- चतुर्महाभूतया नगरय खुगू दवजाय
स्मृति पहरातया छु छु याना फुक अवस्थाय यानागु होस तथा
पाप अकुसल वितर्क व्यापाद, बिहिंसा, उपादान, मनय वःसा
थ्व दुःखं सत्य परिज्ञेय । कामतृष्णा, भवतृष्णा, विभवतृष्णा
दुःख समुद्रय सत्य प्रहाण/ पृथ्वीसमान शीलाचरणं (नत्थिकान
अपङ्गस्स) दुःख निरोध आर्यसत्य साक्षात्कार/ कुसल धर्म
या मूल अप्रमाद अग्रसरं प्रज्ञावाणं चतुआर्यसत्यं श्रद्धा इन्द्रिय
श्रीतापत्ति अंगय वीर्यं सम्यक प्रधानय स्मृतिइ स्मृतिप्रस्थानय
समाधि इन्द्रिय प्यंगू ध्यानय ह्ये लं धायका न्यागू निवर्णं न्ह्यो-

(क)

वयका प्रश्रद्धि समाधि विचारं प्रीति सुख एकाग्रं मार्गं सत्यं
 आर्यं अष्टाङ्गिकं मार्गं भावनां कामगुण आश्रव फुना मार्गफल
 प्राप्त जुई ।

की नेपाल देशय राणाशासन अवस्थाय नेपालं बौद्धधर्मय
 भारत भूमी वन्यगुली ध्वाकापा थें अधिकार प्राप्त याय दुगु
 तःधंगु संयोग खः धंगु लुमंसे वःगु निगू शब्द च्वया अथे धंगु
 छु ? उगु जमानाय भगवान बुद्धया धर्म उच्चारण हे याय
 मज्यूबले भारत भूमी वन्यत राहदानी मागु जुयाच्वनगुयात
 सर्कारी अफिसय उगु पदय थ्योपि अफिसर कर्मचारि तयगु
 जिम्मावारि सहिछाप मदयकं राहदानी मदंगु ली थः देबिदत्त
 पल्टनय उगु अफिसर पद प्राप्त याना भन्तेपि बराबर उखेर
 विज्यायत व बौद्ध तीर्थयात्रिपिन्त लं चायका बीध्ये १९६८
 सालं निसं १३ साल तक थमं जिम्मा शहीछाप तया कार्यं
 सम्पन्न याना जुयाबले उगु अवस्थाया दुन्य तःसकं करागु खं
 दैच्वंगुयात नं पदाह मतसे न्ह्यागुहे थजु धंगु मनं त्यागयाना
 प्रवज्जित जूवनी पिन्त तक छ्योया ज्या सफल यायदुगु नं अ-
 मूल्य अवसर ख मनंतुना ।

थो थुगु जमानाय सरकारं भगवान बुद्धया धर्मय समान
 भावं खंका धर्मय पला न्ह्याकेबिया दिन हन्य दुगुली उखुनु
 थाइराज गुरू सोमदेन फ्रा ज्ञान संवर थथः गुचितयनं परि-
 यत्ति प्रतिपत्ति पतिवेध विहार दयकि थ्व नेपाल देशनं थाइ
 समान खः धया प्रसंसायाना विज्यागुली की सकसेनं न्ह्यालं
 चायका ध्वीकेगु अमूल्य अवसर खः ।

(७)

जीवनी संक्षिप्त

ये भिन्दो त्वालय् छे अबुजु राजमान् पलोक जुया स्वी-
गुन्हु लिपा १९६५ साल आषाढ ४ गते बुद्धवार जन्म जुया
प्यदंति लिपानिसे अनया उगुबासस्थान छे मद्या वटुटोलय
थः छे हया बोलं कुगु जन्मदाता मां मोतिमायां कनातःगु ।
अनसत्तिक मूबाहा (= मूलश्री विहार) या खङ्गपानि गुरुजु
या थास न्यादंया उमेरं निसे आखः वोंका ठिदंया अवस्थाय
गुरुजु पर्देसय् ज्याय खतय जुया वनेत अनसं बाहालय मोहन-
लाल गुरुजुया थाय बोंके बिया बोन्य सयका जाचं पास जुया
१९८२ सालय निसे अफिसय् भर्मा जुया ब्राह्मण पासापिनि
सङ्गतं जोतिस सास्त्र बोना जातः च्वया सोरोदय सास्त्र
बोना उगु समय अनबाहालय चतुर्मास गुंलां गुर्जु बुद्धधर्म
उपदेस जूगु न्यना जुया । सुथय न्हिथं बागमती वना मोल्हया
जुया उगुसमय बुद्धया धर्म छुं छुं हे बोन्यगु मद्दु । १९८४ साल
फागुण ५ गते कोछे लायकुसालया कजी बखतमानया सुपुत्री
मथुरामाया नाप बिबाह जुल । १९९१ सालं निसे विभिन्न
टोलया बाल बालिकापिन्त शिक्षां बोंके यानावया । १९९२
सालय अन बाहालयया दिव्यरत्न गुरुजु नाप बुद्धधर्म छलफल
सुरु जुल । १९९६ साल जेष्ठ १ गते निसे धर्मदूत पत्रिका
फिक्रय याना बोना जुयाबले धर्मरत्न एमिजु नापलात वेक
नापनं धर्म खं न्यो न्यो धम्मपद मिलिन्द प्रश्न बुद्धपर्या
कितापत बोनेत बिल । अनलि भन्तेपि किम्बोल विहारय
बिज्याना च्वंगु सीका दिव्यरत्न, नन्दरत्न, योगरत्न, गणेश

मङ्गल गुर्जु पिनाप भन्ते पिन्थाय बराबर वना वन्दना याना धर्म खँ न्यना जुयावले छुं दिन न्हुछेवहादुर गुर्जुनाप महा-स्थविर प्रज्ञानन्द भन्तेया थाय पालिभाषा अध्ययन याना ।

१९९८ साल चैत्र १० गते भन्ते अमृतानन्द सूवाहालय छेँ विज्याका त्रिसर्ण पञ्चशील कया भोजन प्रदान याना ११ गते अनहे छेँ 'मैत्रीभावना' यायगु पञ्चाङ्ग प्रणाम यायगु व धर्म उपदेश न्यना जुया । २००० बैशाख १५ गते निसें मा-तातिर्थ रोपवेन उगुबखतय हवाइ मदु बाइरोड मदु सारामाल चलय जुया वइगु जिम्मा ज्याया हाकिम खर्दारय खतय जुया वना किपुलिचा गामय छेँ बासं च्वना जुयावले ०४।६।२७ गते भन्तेपि संघ बिज्याका अनगामय न्हापांगु संघ भोजन प्रदान थ्वहे जुल । ०४ साल माघ कृष्णपक्ष दुतियाय् पुत्रि मल्लिका जन्म जुल । धर्मोदय पत्रिका नंकया बोनाजुया । ०६ सालय जन्म दाता मां तीर्थ सेवा बोना वन्य तेना बले भन्ते बुद्धघोसं हर्षमाया शाके या पुत्ररुद्रराज प्रवजित यायत बोना बनेत राहदानि माल धया न्हेथना बिज्यागुली तीर्थयात्रा वन्य तेना नापं बिज्यागु धका आसामान' मनमाया महर्जन पिसमेत साथय बोना यंका ०६।९।१२ गते निसें वना लुम्बिनी दर्शन याना अनं ०६।९।२२ गते कुशीनगरय थेंका बुद्ध निर्वाण मूर्ति दर्शन याना चन्द्रमणि भन्ते गुरुया थाय वना वन्दनायाना भन्ते बुद्धघोसं गुरुयाके प्रार्थना याना रुद्रराज प्रवजित याना सुदशन नाम तया विज्यात वस्पोल भन्तेपि निम्हं अनसं च्वना बिज्यात अनं जिपिजक सारनाथ, बुद्धगया, जेतवन दर्शनयाना

(घ)

अनं उगुवखतय अग्रश्रावकपिनि अस्ती धातु अन दु घैगु नेना दर्शन यायत कलकत्ता वना असफल जुल अनं जगन्नाथ दर्शन याना वयालि थेन । सम्बन्धि व पासापिं सकसितं पञ्चस्कन्ध लेख बिया दुगु धर्मदूत पत्रिका वितरण याना ।

०७ साल चैत्र १८ गते किपुलिचा गामय छे भन्तेपि संघ विज्याका अष्टपरिस्कार व भोजन प्रदान जुल ।

०१०।७।२६ गते लुम्पिनी लाइवेरियात नेपाल भाषा किताप माल धया बिज्यागुलि भन्ते धम्मालोकयात धर्मोदय पत्रिका दको प्रदान जुल ।

०१५ सालय मन्त्रिमण्डल गथन इलेकसनय पश्चिम १ २ नम्बरे प्रिजाइडिड अफिसर पदय खतय जुयावना बले धादिङ्ग नौबिसे निगूबुटया भोट कायगुली वना गुंगू गुंगू पार्टी व कर्मचारिपि निखे तथा भोट कुर्केबिया ५ बजे जुसेलि बन्द याना बले बाकिपि हजारौं लस्कर असंतोष जुया तःघंगु हुल्दङ्गा कचाघान जूवले सैनिक कर्मचारितय मनय असांति थामय याय मफया थन गोलि मतोतुसे मजिल का वचन ब्यु धाः वः पिन्त आसे मालघायव बचन बी धया समऊय याना अनया इस्कूलया कोथाय छलय जुया चवना १।। घंटा लिपा ई ख्यौसे च्वसेलि गांयापि जनता सकले वन थुगु रुपं अजागु अशान्तियात नं शान्ति यानावया घैगु लुमंसे वो । अनं मन-कामनां गोरखाया अफिसं घ्यालचक्कया चुनाउ ज्या सफल याना गोरखाय बुक्य याना अनं वया सांगुइ विहार दर्शनयाना धर्मरत्न उपासक गुर्जुया थाय छे बास चवना नुवाकोट

अफिसया हिसाव दुखेयाना वया । ०१८।८।२४ तक या धर्मदूत पत्रिका श्री सुमङ्गल विहारया लाइवेरि निमित्त प्रदान जुल ।

०२१।१०।२२ गते भन्तेपि छें विज्याका भोजन प्रदान यानालि माघ २४ गते जन्मदाता मांया जंको कर्मया उत्सव जुल । ०२८।३।४ गते ६४ वर्ष उमेर थ्योगुलि नोकरि रिटायर जुल । ०२८ साल माघ २६ गते जन्म दाता मां ८२ वर्ष उमेरय थुगु लोक तोता स्वर्गे जुयाविज्यात वस्पोलया पुण्य स्मृति ०२६।१०।८ गते ^{भन्ते उपाध्याय वचन} गणमहाविहारय प्यहा पासार्पिनाप छगू कोठा विहार दयका भन्तेपि संघये प्रदान जुल । ०२६।११।५ गते धर्मपासार्पि मिलय जुबा लीया मण्डप दयका आनन्दकुटि विहारय महापरित्राण याना प्रदान जुल । ०३०।४।१६ गते गणमहाविहारय भन्ते सुबोधानन्द महास्थवीर प्रमुख भिक्षुसंघये सितापाइलाया विर्ता ^{ओमति महराजाया समेत} रोपनी २।५।२ प्रदान जुल । ०३० सालय दुतिय बौद्ध तीथयात्रा दर्शन यानागु जुल ।

०३३ साल माघ २२ गते लुम्बिनी तीर्थस्थानय पूज्य महास्थवीर भन्ते सुबोधानन्दया उपाध्यायत्वे सासन धज्ज नामं अल्पकालिक प्रव्रज्या उपसम्पदायाना बिया विज्यागु तः धंगु पुण्य कार्य सफल खः ।

०३४ सालय तृतिय बौद्धतीर्थ यात्रा दर्शन प्राप्त जुल । अब्ले निसें न्हित्थं सुथय प्यताइलय ह्योलं चायका फेय्तुना

(च)

छगू घंटातक मैत्री भावना स्मृति प्रस्थान भावना याना
वैचवना ।

०३५ साल मार्ग २६ गते पुज्य उप संघनायक भन्ते
शाक्यानण्ड प्रमुख सङ्घय तान्सेन टक्सार विहारया निमित्त
त्रिपीटक छगू सेट ४१ गू किताय धर्म प्रदान जुल । ०४०
साल व ०४१ सालय आनन्दकुटि विद्यापीठय गोयंका गुर्या
सिविरय भावनाय चवना वया ।

थुगु धर्म सफू छापय यायत संसोधन व प्रेसया प्रुफ स्व-
यगु कार्यभारकया परिश्रम याना बिज्यागुली वस्पोल पूज्य
महास्थवीर भन्ते सुबोधानन्द यात जिमिगु सहश्रवार साधु-
वाद दु ।

बुद्धवचनान्त सुत्रपिटक यागु भतीचा जूसां अनुवाद
महानुभावपिनि अभिमुखय तयदुगु सुअवसर खः त्रुतिदुसा
क्षमा यानाबिज्याई दीघैगु आसा दु ।

थुगु धर्मदान पुण्यं दिवंगत जन्मदाता मां मोतिमाया
अबु राजमान, गुरुज्यूपि खङ्गपानि, मोहनलाल, दिव्यरत्न
मित्र कृष्णदास, धर्मरत्न यमिजु, अजिपि हेलथकुं, चिथकुं
बाज्यापि कालु, थाकुसिं, पाजुवागसिं, पुर्णमान, पाजुबाज्या
कृष्णवीर ०१ सालं न्हापा जन्म जुया पलोक जुया वं पि
म्ह्यार्यपि प्यह्य काय छह्य सकल संबन्धि पित्त सुखी स्वर्गादि
निर्वाण प्राप्त ज्वीमा ।

(७)

नमो तस्स भगवतो अरहतो सम्मा सम्बुद्धस्स

मज्झिम निकाय

८३-मखादेव-सुत्त (२.४.३) कल्याण-मार्ग ।

थथे जि न्यना-

छगू समय भगवान मिथिलाया-मखादेव-आम्र वनय विहार याना विज्याना च्वंबले ।

छगू थासय् भगवान मुसुक न्हिला विज्यात । अन आयुष्मान आनन्दया मनय् जुल- 'भगवान मुसुक न्ह्युगु थ्व थासय् अवश्य छु' कारण दे ? तथागत बिना कारणं मुसुक न्हिला विख्याइ मखु । अन आयुष्मान आनन्दं चीवर च्व पाछाया भगवानया न्ह्योने वना ल्हा जोरेयाना विन्तियाना धाल-

'भगवान ! मुसुक न्हिला विज्यागु छु कारण खः.....?'

'आनन्द ! पूर्वकालय् थ्वहे मिथिलाया मखादेव नां या धार्मिक धर्मराजा जुयाच्वंगु खः । उह्य राजा धर्मय स्थित महाराजा, ब्राह्मणपि, गृहपतिपि, निगमय (नगरय) जनपदय धर्मानुकुलं दिन हनाच्वंहा । चतुर्दशी, औसि, पूर्णिमा व अष्ट-मिपति सकले उपोषथ (अष्टशील) व्रतपालन यानावःगु खः ।

'राजां थःगु छेँ न्ये तुयूगु सँछपु खँना ज्येष्ठपुत्र राज-

कुमारयात सःता धाल-

‘तात ! कुमार ! जिगु छेँन्ये देबदूत प्रकट जुल, छेँन्ये’
तुइसे च्वंगु सँखन । जि मनुष्य-भोगविलास आः दिव्य-भोग
मालाः प्राप्त यायगु समय जुल । तात ! कुमार ! थ्व राज्य
छं सह्यालय् या । जि सँखाना काषाय-वस्त्र पुना राज्य त्याग
याना प्रव्रजित जुया वन्य । पुता ! छं नं छेँन्ये तुयू सँ दया
वैगु अवस्थाय ज्वीवं नौचायात छगु ग्राम इनाम-बरबिया
जेष्ठ पुत्र कुमारयात धर्मानुसारं राज्य अनुशासन चलय यायगु
कना त्वता, केश-सँखाना काषाय वस्त्र पुना प्रव्रजित जु ।
गुकि जि स्थापना यानागु कल्याण धर्म अनुप्रव्रतित-परंपरा
न्ह्याका वने फयमा; छ अन्तिम पुरुष ज्वोमत्य-धर्म त्वदुले
मत्य । तात कुमार ! परंपरा गुह्य सँ थुगु प्रकारया कल्याण
धर्म-मार्गया उच्छेद-खण्डित याइ वहे अन्तिम पुरुष ज्वी ।’

‘आनन्द ! अले राजा मखादेवं नौचायात छगू गाँ इनाम
बिया जेष्ठ-पुत्र कुमारयात धर्मानुकुलं राज्य अनुशासन यायत
कना अर्पण याना थ्वहे मखादेव अम्ब बनय शिरया सँ दारि
खाना प्रव्रजित जुल । वं प्यंगू ब्रह्म विहार (मैत्री, करुणा,
मुदिता व उपेक्षा) भावनायाना अन्त्य (= मृत्युं लि) ब्रह्म-
लोकय् प्राप्त जुल ।

‘आनन्द ! राजा मखादेवया पुत्रं अवस्था अनुसार केश =
सँखाना काशाय वस्त्र पुना अबु राजा मखादेव थ्येँ याना वन
थुगु परंपरा पुत्र पौत्र आदि थुगु हे रूपं मखादेव-अम्ब बनय
प्रव्रजित जुया वनाचवन । लिपा निमि राजा अन्तिम धर्म
राजा जुल ।

(१)

‘आनन्द ! पूर्वकालय सुधर्मा नांया धर्मसभाये जम्मा जुया त्रायस्त्रिस देवतापिनि विचये थ्व खँया चर्चा जुल- लाभ हे खः अहो ! विदेहया सुन्दर लाभ जुल विदेहया निमि थ्ये जाह्य धार्मिक, धर्मराजा, धर्मय-स्थित महाराजा खः धया दान व ब्रह्मचर्य गुणगान न्यना देवतापिसं निमि नरेशया दर्शन इच्छा यागुलि शक्रं मातलियात बेजयन्त रथय कायेके छोया बोना वया कर्मानुसार दुर्गति, सुगति लानाच्चर्चि स्वया इच्छानुसार दिव्यलोकय च्वना सत्रयाके विदा जुया विमानं ल्याहाँ वःह्य निमिनं थ्वहे मखादेव-अम्ब बनय...प्रव्रजित जुया वन.. ।

‘आनन्द ! राजा निमिया कलार जनक नांया पुत्र दुम्हं । छेँ त्वता प्रव्रजित मजू । उह्य राजकुमारं परंपरा अनुसारया उगु धर्मत्व थुल । व उगु कुलया अन्तिम पुत्र जुल ।

‘आनन्द ! थुगु समत जिनं थ्व कल्याण-धर्म स्थापित यानागु गुगु खः एकांत निबेद ज्वीत, विराग ज्वीत, निरोध - उपशम, अभिज्ञा, सम्बोधि (= बुद्धज्ञान) या लागी, निर्वाण ज्वीत-थ्वहे छपु लँ- आर्य अष्टाङ्गिक मार्ग खः- गथ्य सम्यक दृष्टि, सम्यक सङ्कल्प, सम्यक वाणि, सम्यक कर्मान्त, सम्यक आजीविका, सम्यक व्यायाम, सम्यक स्मृति, सम्यक समाधि । थ्व आनन्द ! जि कल्याण धर्म स्थापित यानागु खः । आनन्द ! जि थ्व घै च्वना गुकी छिम्सं जि स्थापना यानागु कल्याण मार्गय अनु प्रव्रतित धर्मय थीरं न्ह्याके गुली छिपि अन्तिम पुरुष ज्वीमते... ।

भगवानया थुगु उपदेश न्यना सन्तुष्ट जुया आयुष्मान् आनन्दं, बुद्धया भाषणयात अभिनन्दन यात ।

(थ्व मखादेव व निमि राजापिनिगु निपु जातकं प्रष्ट जू) ।

(३)

संयुक्त निकाय

६ अस्सजिसुत्त २१.२.४.६ (वेदनायाप्रति आशक्त दै
मखु)

छगू समय भगवान् राजगृहया बेलुवन कलन्दक निवापये
विहार याना विज्याना च्वगु ।

उगु समय आयुष्मान अस्सजि काश्यपका रामय् रोगीपिडितं
तस्सकं विमार जूगुलि अस्सजि थःत तहल यानाच्चंह्य यात
सःता धाल- 'आबुस ! छपिं छक भगवान् विज्याना च्वंथाय्
वना जिगु भाषां भगवान्या चरणये शिरं प्रणाम याना थथे
विन्ति या, भगवान् ! अस्सजि भिक्षु रोगीपीडितं तस्सतं वि-
मार जुयाच्चन भगवान्या चरणये शिरं प्रणाम याना हल ।
भगवान् कृपातसे अस्सजि भिक्षुया थाय् विज्यासा असल ज्वी ।

'आबुस ! ज्यु, वनावय' धया अस्सजियात् उत्तर विया
भगवान्या थाय् वना अभिवादन याना अस्सजि भिक्षुं वैहःगु
अनुसार खँ कना भगवान्यात् विन्तियात् ।

भगवानं चुप जुया स्विकारयाना भोजनं लि संध्याइलय्
ध्यानं दना भिक्षु अस्सजिया थाय् विज्यात् ।

अस्सजि ! गयेच्चं छत रोग मलाल वा पछतावेला मजूला ?

भगवान् ; मनये पछतावे जुयाच्चन ।

अस्सजि ! छु छं शीलपालन मजुया पश्चात्ताप जुल ला ।

(४)

मखु भगवान् ! जि न्हापांनिसे आश्वास प्रश्वास ध्यान
या अभ्यासये समाधि लाभ मज्जूगुलीं साशनं कुतुवनीला धैगु
जुल ।

अस्सजि ! श्रमण वा ब्राह्मणपिनि मतखः समाधि विना
मुक्त ज्वीमखु धैगु ।

अस्सजि ! छं छु सम्क्य जुया, ध्वरूप नित्यला की
अनित्य ?

अनित्य, भगवान् ।

वेदना, संज्ञा, संस्कार, विज्ञान ?

अनित्य, भगवान् ।

अथेया कारणे थुक्कियात हे वांलाक खंकल धासा पुनर्जन्मये
लाइ मखु । यदि सुखवेदना जुल धासां अनित्य धका सीका
उकी अभिनन्दन यायमत्य । दुःख वेदना जूसां अनित्य धका
सीका उकी अभिनन्दन यायमत्य न दुःख न सुख... यदि सुख
वेदना जूसां अनासक्त दुःख वेदना जूसां अनासक्त न दुःख
न सुख... ज्वी फयकि, कायपर्यन्त वेदना अनुभव याना सीकि
कायपर्यन्त वेदना खः । जीवित पर्यन्त वेदना अनुभव याना
जीवित अंत ज्वीबले न्हापां ध्व वेदना शान्त ज्वी उकी आ-
सक्ति दैमखु ।

अस्सजि गथे चिकं इतामत च्याना च्वंगु चिकं इता मंत
धाय्व सिनादनीथे भिक्षु कायपर्यन्त वेदनाया अनुभव सीका
कायपर्यन्त वेदना अनुभव यानाच्चवना जीवित पर्यन्त अनुभव
देह त्वत्यगु मृत्युयां न्हापा फुक वेदना शान्त जुया वनी वया
प्रती आसक्ति दैमखु-उपदेश न्यंका भगवान् अनं ल्याहाँ विज्यात ।

संयुक्त निकाय

७. अन्धभूत सुत (३४.१.३.७) सर्वसाधारण अन्धा
थथे जि न्यना

छगू समय भगवान राजगृह वेलुदन कलन्दक निवापय
बिहाइ याना बिज्यान च्वंबले ।

अन भगवानं भिक्षुपिन्त आमन्त्रितयात भिक्षुपि सर्वसा-
धारण अन्धा जुया च्वन । भिक्षुपि छुगुथे अन्धा जुया च्व-
गुखः ।

भिक्षुपि ! चक्षु अन्धा ज्वीका च्वन । रूप अन्धा जुया
च्वन । चक्षु बिज्ञान अन्धा जुया च्वन चक्षुसं स्पर्श अन्धा जुया
च्वन । ध्व गुगु चक्षु-संस्पर्शया प्रत्ययं उत्पन्न ज्वीगु वेदना खः
वनं अन्धा हे ज्वीका च्वन ।

गथे जुया अन्धा जूगुखः ? जाति, जरा, व्याधि, मरन
उपायासं अन्धा ज्वीका च्वन- थथे जि घैच्वना ।

श्रोत अन्धा । घ्राण . . जिह्वा . . । काय ।

मन अन्धा ज्वीका च्वन । धर्म अन्धा ज्वीका च्वन । मनो-
बिज्ञान अन्धा ज्वीका च्वन । मन संस्पर्श अन्धा ज्वीका च्वन ।
गुगुमन संस्पर्शया प्रत्ययं उत्पन्न ज्वीगु वेदना खः वनं
अन्धा ज्वीका च्वन ।

भिक्षुपि ! ध्वैतहेसिका पण्डित आर्य श्रावकं जन्मक्षीण
जुल घका सीका काई ।

भगवानं उपदेश जूगु न्यना भिक्षुपिसं अनुमोदन यात ।

(६)

संयुक्त निकाय

१. राज सुत्त (५३.१.१)

प्यंगू धर्म

अथे जिन्यना-

छगूसमय भगवान् श्रावस्ती जेतवन महाविहारेस विराज
मान जुया विज्याना च्वंगु ।

उगु समय भगवानं भिक्षुपिन्त सःता उपदेश जुया
विज्यात-

भिक्षुपि ! भला चक्रवर्ति राजां प्यंगू द्वीप थःगु याना
ऐश्वर्यं अत्रिपति स्थापितं राज्यभोग याना मृत्युं लि स्वर्ग्य
त्राशस्त्रिंस दिव्य लोक्य सुगति प्राप्तं नन्दन वन्य अपसरा
पिसं सेवायाका दिव्य न्यागू कामगुण उपभोग याना च्वनी ।
उम्हदेवता-प्यंगू धर्म युक्त मजू गुलि वं संसार चक्रे नर्कं मुक्त
मजू, तिर श्विनयोनी लाइगुलि मुक्त मजू । प्रेतयोनी लाइगुलि
मुक्त मजू । नरक्य लाना दुर्गति प्राप्त ज्वीगु लि मुक्त मजू ।

भिक्षुपि ! भला आर्य श्रावकं लँय् दांछोया तःगु काप
मुना कुचात मुना पंसुकुल चीवर दयका धारणं भिक्षा त्तजीवनं
निर्वाहं याम्ह प्यंगू धर्म युक्त जुया नरकं मुक्तजू, तिरश्विनं
मुक्तजू, प्रेतयोनि लाइगु लि मुक्तजू, नरक्य लाइगु दुर्गति
मुक्त जू ।

प्यंगू धर्म धैगु छु खः ?

[१] भिक्षुपि ! आर्य श्रावक बुद्धया प्रति दृढ श्रद्धायुक्त
जू- वसपोल भगवान अर्हत, सम्यक-सम्बुद्ध, विद्या-चरण
सम्पन्न, सुगती प्राप्त (सुगत) लोकविदू, अनुत्तरं, पुरुषपिन्त
दमन याना बिज्याम्ह, सारथि समान जुया बिज्याम्ह देवताव
मनुष्य पिनि गुरु बुद्ध भगवान ।

[२] धर्मया प्रति दृढ श्रद्धा युक्त जुइ- भगवानया धर्म
स्वाख्यात (आदि. मध्य, अंते = सील, समाधि, प्रज्ञां कल्याण
ज्वीगु) सांदृष्टिक (गुक्किया फल थनया थनसं प्राप्त ज्वीगु
अकालिक (समयपिया च्वनेम्वागु) एहिपस्सिको (थन स्व वाध-
कासःता - केन्ययोग्यगु) ओपनयिको (निर्वाणय थेंकिगु)
पच्चत्तं वेदितब्बो विञ्जुत्तुहिति (बिज्जपण्डितपिसं थःथमं श्वीका
काय फेगु ।

[३] संघया प्रति दृढ श्रद्धा युक्त जुयि- भगवानया
श्रावक संघ सुपतिपन्न (बुद्ध वचन विनय अनुसार बिज्यापि
भगवानया श्रावक संघपि) उजुपतिपन्नो भगवतो सावक संघो
(तप्यंगु लयें बिज्यापि) त्रायपहिपन्नो भगवतो सावक संघो
(नीर्वाण या लयें बिज्यापि) सामीच्चि पतिपन्नो भगवतो सावक
संघो एदिदं चत्तारि पुरिस युगानि अट्ट पुरिस युग्गला एस
भगवतो सावक संघो (ज्ञानमार्गय वंपिप्यंगु ज्वडा च्याम्ह पुद्
गलपिहे भगवानया श्रावक संघपि) आहु न्यय्यो (आवाहन
याययोगिपि) पाहुन्यय्यो (पाहुना सत्कार याययोग्यपि)
दक्खिन्येयो (पूजायाय योग्य दान यापात्र जुया बिज्यापि) अंज-
लि करणीयो (प्रणाम याययोग्य जुया बिज्यापि) अनुत्तर

पुत्रखेत्तं लोकस्स (लोकजनपिनि पुण्यरूपि पुसापोगु अलौ-
किक पुण्य क्षेत्रपि) ।

(४) श्रेष्ठ सुन्दर शीलं युक्त जुयी, अखण्ड, अछिद्र,
निर्मल, शुद्ध, निर्वाध, विज्ञ प्रशस्त अमिश्रित, समाधिसाधन
दायक अनकूल ।

ध्वहे प्यंगू धर्मयुक्त जूहा ।

भिक्षुपि ! प्यंगू द्वीप या अधिपति चक्रवर्ति लाभ जुहा
व प्यंगू धर्म प्रति लाभ जूहा शुकी प्यंगू द्वीप प्रति लाभ जूहा;
प्यंगू धर्म प्रति लाभ जूहाया छगू कलाया वरावर मजू ।

भगवानया उपदेश न्यना भिक्षुपिसं अनुमोदन यात ।

संयुक्त निकाय

पञ्चगतिमुत्त १३ १५ (नरकलोकं मनुष्य-योनि ज-मज्जीगु)

छगू समय भगवानं आग्या जुया विज्यागु- भिक्षुपि !
थजापि आपालं कम् गुपि मनुष्य-योनि मृत्यु जुया मनुष्य योनी
जन्म ज्जीपि; आपालं आपा मनुष्य योनि मृत्यु जुया नर्कय
उत्पन्न ज्जीपि, मनुष्य योनि मृत्यु जुया तिरश्चित योनी उत्पन्न
ज्जीपि आपालं दु, मनुष्य योनि मृत्यु जुया प्रेतयोनी उत्पन्न
ज्जीपि आपा दु ।

अथेद्धाय ? भिक्षुपि ! प्यंगू आर्यसत्य मस्यगु या कारणं ।

प्यंगू आर्यसत्य वैगु छु ? गथे ख दुःख आर्यसत्य (जन्म
जरा, व्याधि, मर्त, योहानाप बायमालिगु, मयोहानाप वह्न्य
मालिगु, परिणामय पञ्चस्कन्ध शरीर धारण याय मालिगु

(६)

दुःख) दुःख समुदय आर्यसत्य (= कामतृष्णा, भवतृष्णा, विभवतृष्णा) दुःख निरोध आर्यसत्य (= उगु तृष्णायात त्याग यायगु) दुःख निरोध गामिमार्ग आर्यसत्य अष्टाङ्गिक मार्ग सम्यक दृष्टि, सम्यक संकल्प, सम्यक वाणि, सम्यक कर्मान्त सम्यक आजीव, सम्यक व्यायाम, सम्यक स्मृति, सम्यक समाधि ।

भिक्षुपि ! अथेया कारण थ्व दुःख खः थथे खंकेमा; थ्व दुःख समुदय खः थथे सीकेमा, थ्व दुःख निरोध खः थथे खंकेमा, थ्व दुःख निरोध गामि मार्ग खः थुमु रुपं खंके सीके मा ।

भगवानया उपदेश न्यना संतुष्ट जुया भिक्षुपिसं अभि-
नन्दन यात ।

अंगुत्तर निकाय

गण्ड-सुत्त

छगू समय भगवानं आग्या जुया बिज्यागु । भिक्षुपि ! गथे गुलिखे बर्ष पुलांगु फोडा (= प्ववैच्चंगु) उगु ब्रणय ६ गुप्वा होः प्रकृति-जन्म । व होतं छु तक प्याहा वैगु खः अ-सुचि हे जक प्याहाँवइ । दुर्गन्ध हे प्याहाँ वै घचैपु घृणित पदार्थ हे जक प्याहाँवै, छु तक पैदा ज्वी फुक हे असुचि, दुर्गन्ध घृणित घच्यापु पदार्थ पैदा ज्वी ।

भिक्षुपि ! थ्व गुगु फोडा (= प्व) खः थ्वहे शरीरया पर्याय खः; थ्व पृथ्वी, आप, तेज, वायु प्यंगू महाभूतं निर्मित

(वनय जूगु) माता पिता तर्फं सम्भव जूगु जा; कें, तर्कालि आदि आहारं निर्भर म्वाना च्वनीगु स्वभावं अनित्य खः, उकी सुगन्ध इला तःगु गुकिं मालिस याइ व खण्डित (= फुना-वनी) तथा छन्हु विध्वंस ज्वी उगु ब्रण (= प्व) या गुप्वा म्हतु प्रकृति-जन्य खः । उकी छु तक प्याहँवइ फुक असुचि हे जकवइ, दुर्गन्ध हे जक खः, घृणित (= घच्यापु) पदार्थ हे जक वै, पैदाजुको फुक असुचि खः, दुर्गन्ध हे पैदाजुया च्वन तथा घृणित पदार्थ हे पैदा जू । अतएव भिक्षुपि ! ध्व शरीर या प्रति निर्वेद (= बैराग्य) प्राप्त या । भगवानं उपदेश जूगु न्यना भिक्षुपिसं अनुमोदन यात ।

खुद्दक निकाय

खुद्दक पाठ [३, द्वतिसाकार]

छगू समय भगवानं उपदेश- भिक्षुपि ! अत्थि इमस्मि-काय केसा, लोमा, नखा, दन्ता, तचो, मंसं, नहारू, अट्टि, अट्टिमिज्जा, वक्कं, हृदयं, यकनं, किलोमकं, पिहकं, पप्फासं, अंतं अन्तगुणं, उदरियं करीसं, पित्तं, सेम्हं, पुब्बो, लोहितं, सेदो, मेदो, अस्सु, बसा, खेलो, सिंघाणिका, लसिका, मुत्तं मत्थके मत्थलुङ्गं ।

अर्थ- [३. स्वीनित्ता चीज] ध्व शरीरये जायाच्चवगु सं, चिमिसं, लुसि, वा, छेंगू, ला, नस्सा, ववें, स्यो, जत्सें, चुगःचु, सेंला, पिलि, अपि, स्वंला, तपु आंद्रा, चीपु आंद्रा, सःपी, खिप्वा पित्त, म्हतुयाई घायान्हि, हि, लायाचिकं, चःति

सोवि दाः, खै, न्हासेया न्हि, क्वेयालार, मुत्र, छेनेया न्होपु
(= स्वीनिता कायगतासति भावना)

धम्मपद

१५,८ आर्यया दशान सुन्दर सुखदायक खः (देवराज
शक्रया कथा

तथागत सम्यक सम्बुद्ध भगवान बेशाली चापाल चैत्ये
आयु संस्कार त्यागयाना लि बेलुवन ग्रामये बिहार याना वि-
ज्याना च्चंबले भगवानयात रक्त-श्राव (= आउंरोग) जुल ।
उगु समय भगवान रोगी जूगु सीका देवराज सक्र तावतिस
भवन तोता गब्लेतक भगवानया रोग शांत ज्वीमखु अब्लेतक
सेवा टहल यायगु दिचार याना च्चंबले शास्ताया दिसा पेसाव
वर्तन (= कोपरा) सुगन्धं भरय् जूगु वर्तन समान छैन्यय्
तया वांछो जुयाच्वन । लिपा भगवानया उगु रोग शान्त जु-
सेलि शक्रं प्रणाम याना थःगु दिव्य लोकय ल्याहाँ वन । उगु
दृश्य भिक्षुपिसं खना आपसय व खंया चर्चा जुयाच्वंगु । भग-
वानं ताया-आग्या जुया विज्यागु-भिक्षुपि ! सक्रं जिगु प्रती
स्नेह तःगुली आश्चर्य चायमागु मदु । शक्रं जिगु हे सहारां
बृद्ध-शक्र त्व त्याग याना तरुण शक्र जुल । छगु समय वयात
मृत्यु भयभीतं इन्दशाल मुहाय वया जिके प्रश्न न्यन, उगु
बखतय वं न्यनाथ्ये पुण्य कर्म याना श्रोतापत्ति-फल प्राप्त याना
तरुण-सक्र जुल । तात्पर्य थ्व खः- कि देवराज सक्र न्हापा
हिंसामयी वैदिक यज्ञ बलि कथा सुरापान याना मुर-सुन्दरी

(१२)

देवकन्यापि नाप अपरिमित सम्भोग याना जुया दृढं मृत्यु
 अवस्था थेस्यलि भगवानया थाय वया प्रणाम याना दृढया
 सर्ण कया शील सम्पन्न जुया विमल-चित्तं तरुण सक्र जूग ।
 थुगु प्रकारं जि वया आपालं उपकारक खः । भिक्षुपि ! आर्य-
 या दर्शनं नं सुखदायक खः अथे ध्ये साथय द्दथ सं च्वन्यगु
 नं सुखकर खः किन्तु मूर्खया साथ फुक दुःख हे खः' आभ्या
 जुया गाथा-

२०६- साधु दस्सन मरियान, सन्निवासो सदा सुखो ।

अदस्सनेन बालानं, निच्चमेध सुखी सिया ॥१०॥

अर्थ- आर्यया दर्शनं सुन्दर सुखकर खः, वयासाथय नि-
 वास नं सदा सुखदायक जूइ मूढयात खनेगुलि मनुष्य सदा
 दुःखी जुयाच्चनी ।

२०७- बालसङ्गति चारीहि, दीघमद्धान न सोचति ।

दुक्खो बालेहि संवासो, अमित्तेने व सब्बदा ॥

धीरो च सुख संवासो, जाती नं व समागमो ॥११॥

अर्थ- मूढ यासङ्गति च्वनीपि दीर्घकालतक शोक याय
 माली मूढया सहवास शत्रुया तरहं सदा दुःखदायक जुइ ।
 बन्धुपिनि समागमथे धीरज्ञान युक्त पिनि नाप सहवास सुखद
 जूइ ।

२०८- तस्माहिः-

धीरञ्च पञ्चञ्च बहुमुत्तं च,

धीरय्ह सीलं वत वन्तमरियं ।

तं तादिसं सप्पुरिसं सुमेधं,

भजेथ नवखत्त पथं वचन्दिमा ॥१२॥

(१३)

अतयव-

अजापि धीर, जानी बहुश्रुत, शीलवान, व्रतसम्पन्न, आर्य
तथा बुद्धिमान पुरुषया अनुगमन उर्थेया गथे चन्द्रमा नक्षत्र
पथ थ्ये खः ।

(२०.१ मग्न बग्नो)

अष्टाङ्गिक मार्ग श्रेष्ठ

भगवान् जेतवन विहारये विज्याना च्वंगु समय न्यास
भिक्षुपिचारिका याना वया आसन शालाय च्वना चारिका
यानाया खल्लहाना च्वन- 'फलाना गांया मार्ग सुन्दर खः
फलाना गांया मार्ग खराब, फलाना गांया लं कंकड जक ।'
धं च्वंगु इमिगु खँ भगवान् न्यना उपदेश जुया विज्यात । 'भि-
क्षुपि ! आम खँ पिन्ययागु मार्ग खः । भिक्षुपि आर्य-मार्गय्
लगय् जत्री फय्केमा, आर्य मार्ग हे फुक दुःखं छुटय जुइ' गाथा-

२७३ - मग्नान् द्विङ्गिको सेट्ठो, सच्चानं चतुरोपदा ।

विरागो सेट्ठो धम्मानं, द्विपदानञ्च चक्खुमा ॥१॥

अर्थ- मार्गल्यं अष्टाङ्गिक मार्ग श्रेष्ठ (= सम्यक दृष्टि,
सम्यक संकल्प, सम्यक धाणि, सम्यक कर्मान्त, सम्यक आजी-
वोका, सम्यक व्यायाम, सम्यक स्मृति, सम्यक समाधि) सत्य
ल्यं प्यंगू- (प्यंगू आर्य सत्य ? दुःख आर्यसत्य, दुःख समुदय
आर्यसत्य, दुःख निरोध आर्यसत्य, दुःख निरोध गामिमार्ग
आर्य सत्य) श्रेष्ठ खः ।

२७४- एसोव मग्नो नत्यञ्जो, दस्स नस्स विसुद्धिया ।

एतं म्हि तुम्हे पटिपज्जथ, मारस्सेतं पमोहनं ॥२॥

(१५)

अर्थ- दर्शन (= ज्ञान) या त्रिसुद्धियात् श्वहे मार्ग खः
मेगु मार्ग मदु । थुकीहे छिपि आरूढ ज्वीगु स्व श्वहे मारयात्
मूर्च्छित याय फद्दगु ।

२७५- एतं म्हि तुम्हे पटिपन्ना, दुक्खस्सन्तं करिस्सथ ।

अक्खातो वे मयामग्गो, अञ्जाय सल्ल सन्थनं ॥३॥

अर्थ- थुगु मार्गय आरूढ जुया छिम्सं दुक्खं अन्त ज्वी
फय्कि । सत्य समान दुक्ख निवारण- स्वरूप निर्वाणयात्
सीका जि थुकथं उपदेश यानागु खः ।

२७६- तुम्हेहि किच्चं आतप्पं अवखातारो तथागता ॥४॥

पटिपन्ना पमोक्खन्ति, कायिनो मार बन्धना ॥४॥

अर्थ- कार्यं छिम्सं हे उद्योग यायमा, तथागत (= बुद्धं)
या कार्य उपदेश यायगु खः । (तदनुसार) मार्गय आरूढजुया
ध्यानय् रतय् जुया मारया बन्धनं मुक्त जुइ ।

अंकुरया कथा

२४.१२ गुकथंया दान महान फलवान ज्वी

भगवान तथागतं आषोढ पूर्णिमा खुनु श्रावस्ती गण्डव्व
बृक्षया व्वे यमक प्रातिहार्यं यानालि तावत्तिस भवनय पाण्डु
कम्बल सिलासनय स्वलातक न्हेगुगू वर्षावास याना अभिधर्म
उपादेस याना बिज्यागु समय ङ्गिगू दिसाया लोक धातु देव
ब्रह्मापि वै च्चंथाय देवतापिनि श्वखंया चर्चा जुलकि इन्दकया

(१५)

थःगु भोजनयया छगु चम्चा भोजन, अनुरुद्ध स्थवीरयात
 वोकुनु दानया फल, अकुरया दशहजार वर्षतक िनिगु योज-
 नया जगाय भुतूजक दयका भोजन दानयागु सिबे महाफल
 जुल इन्दक सत्तिक दु । वयावय् िनिगु योजन ताःपाक अंकुर
 धया चर्वा जूगुया तात्पर्य-अंकुर ! वासुदेबपिनि दसभाईमध्य
 दकलय चिकिधिकः म्हकिजाखः । थःगु अंसभाग तता अन्जन
 देवीयात तता व्यापारय वंम्हं दानपुन्य दुह्याया भण्डारिकया
 पुत्र भेरु नगरय चवंम्हं अन छहा दानि असह्य सेठं दानयाना
 चवंयाय दानका वंपिन्त ल्हापचिनं इसारा याना केनाछ्वैइ
 चवंनु पुग्ये लिपा मृत्यु जुया वया ल्हा 'कामददो' इच्छायागु
 वीफुह्य जुया वृक्षः भूमि देवता जुया उत्पन्न जुल । छगु समय
 अकुरं न्यास गाडाय मालसामान तथा व्यापारय वंपिनि मरू-
 भूमी लतना नयेत्वने तकं अभावं थकीत जुया च्वंपिन्त न्हा-
 पायागु गृण लुमंका उह्य भूमिदेवता नं अन वया थःगु ल्हातं
 माक्को नय त्वने पुरय याना व्यबले अंकुर वंके न्यन छ, देबेन्द्र
 खता ? व ; मखु हे अंकुर ! जि 'प्रेत ख' धया न्हापा मनुष्य
 जुनो भंडारिक पुत्र जुया यानावैगु खँ कंगु न्यना । अंकुरं आ
 जि थमं हे दान याये धागुली प्रेतं ज्यु ज्यू जि माक्को गब्ले
 मकुइ कथं पुरय यानावी धया भलोसा व्यगुलि ल्याहांवया
 दाक्षण पथ द्रवीद देशय वना दानसालाय भुतूजक हे िनिगु
 १२ योजनया जगाय खवीदो ६०००० गाडाय जाकि जा
 थुइत ल्हेइगु व अनुसार के तर्कालि, जा थुइपिन्त वस तिसा
 तियाचर्वाि स्वीदो ३०००० भान्सेपि सरसामान ल्हेया

सि काइपि ज्यामित जक ख्वीदो ६०००० जवान अथेहे तिसा-
वसपि मिसात दिखुदो १६००० जाताना नके त्वंके याइपि
किखुदो १६००० धव चतं ज्वना लिसात ज्वीपि थुगुरुपं स-
त्कारपूर्वक दानयज्ञ ङिदो दें १०००० तक महादान याना आयू
फुसेलि अंकुर अनं अन्तजुया त्रयत्रिस दिव्यलोक्य उत्पन्न जुल ।

उहा अंकुरयावे इन्दकया महादानया फलं ङिगू खँ ? रुप,
शब्दरस, गन्ध, पर्श, आयू, वर्ण, सुख, यस परिवार अधिपति
लय च्वेलाह्य जुया उत्पन्न आयुवर्ष ३६०००० ।

धव खँ खँका भगवानं- 'अंकुर दान ल्यया बी सयके मा ।
थुकथं बियागु दानहे भिगु बुइँ भिगु पुसापीथेँ महान फल
प्राप्त ज्वी किन्तु छँ न खँया विचार मयाकि दिदो देंतक
महादानये सीलवान छह्य हे मदु अथेया कारण्य् छंगु दान
महान फल मजूगु ख धया ङिदो चक्रवालया देव ब्रह्मापिनि
म्ह्योने दक्षिणेय सम्पत्ति खँ उपदेश बियाबिज्यागु-

३५६- तिणदोसानि खेतानि, रागदोसा अय पजा ।

तस्माहि वीत रागेषु, दिन्नं होति महप्फलं ॥२३॥

अर्थ- खेत (= बुँ) या दोष तृण ख प्रजाया दोष राग
खः उकिया कारण्य रागरहित व्यक्ति.यात दान बियागु महान
फल दें ।

३५७- तिणदोसानि खेतानि, दोसदासो अयं पजा ।

तस्माहि वीत दोसे सु, दिन्नं होति महप्फलं ॥२४॥

अर्थ- बुँया दोष तृण खः, धव प्रजाया दोष द्वेष खः
अथेया कारणं द्वेष रहित व्यक्ति.पिन्त बियागु दान महान फल
दें ।

३५८- तिणदोसानि खेत्तानि, मोह दोसा अयं पजा ।

तस्माहि वीत मोहे सु, दिन्नं होति महप्फलं ॥२५॥

अर्थ- बुँया दोष तृण खः ध्व प्रजाया दोष मोह खः
अथेया कारण मोह रहित व्यक्तियात बियागु दान महान फल
ज्वी ।

३५९- तिणदोसानि खेत्तानि, इच्छादोसा अयं पजा ।

तस्माहि विगति च्छमु, दिन्नं होति महप्फलं ॥३६॥

अर्थ- बुँया दोष घाँयू ख, ध्व प्रजाया दोष इच्छा खः
अथेया कारण इच्छा रहित व्यक्तिपिन्त दान बियागु महान
फल ज्वी ।

२६.१६ क्षमा-बली ब्राह्मण खः

आक्रोसक-भारव्दाजया कथा

राजगृह नगरया धनञ्जानि नांया ब्राह्मणी भगवान बुद्ध-
या धर्मयु श्रद्धातया श्रोतापत्ति-फल प्राप्त समयलं निसें सदां
चुलु व्युसां हाछिका वःसां 'नमोतस्स भगवतो अरहतो सम्मा
सम्बुद्धस्स' धायगु चलन दुम्हं । छन्हु दिनय वयाछे भोजन
जुया । सम्बन्धिपि भोजन यानाच्चवंगु इलय ब्राह्मणी चुलु व्यू
बले भगवानयात वन्दना यात । ध्व शब्द किजाभत भारद्वाजं
तायां तमं कर्कय जुया 'नष्ट ज्वीमा दुष्ट ! गन मजिल अनहे
उह्य मुण्ड श्रमणया प्रशंसा याइह्य ।' ध्व खँ न्यंकल- 'थौं हे
जि व श्रमण गौतमया थायू वना शास्त्रार्थ या वने ।' ब्राह्मणी
नं का हुँ ब्राह्मण ! शास्त्रार्थ या हुँ वस्पोल भगवानया साथयू

(१८)

शास्त्रार्थ यायगु सोया समर्थ दु ? समर्थ दुसा हूँ छ । ' ब्राह्मण क्रोध-
याना भगवानया थाय वना मनय वथे धया प्रश्न यागुया उत्तर
न्यों न्यों मनय प्रशन्नं श्रद्धा उप्पन्न जुया प्रार्थना याना प्रव्रजित
जुया चित्तविमुक्त अर्हत्वफल प्राप्त जुल । दाजु ल्याहामवगु
कारण आक्रोशक भारद्वाज बुद्ध धर्मय भिक्षु जुगु सीका तमं
चूरजुया लाको थाको धया आक्रो सनयाना बोविया असभ्य
शब्दयाना बेलुवनञ्च वना वचन ल्यागुली भगवानया मधूर शब्द
वचन न्यना ज्ञानं श्वीका प्रार्थनां वनं प्रव्रजित अर्हत्व फल
प्राप्त याना च्वन । निह्य दाजुकिजा भिक्षु जूगु सुन्दरिक भार-
द्वाजं न्यना क्रोधं चूर जुया अथेहे थ्ये बुद्धया वचनं प्रव्रजित
जुल । अनंलि चिकिधीह्य किजा बिलिङ्ग भारद्वाज नं दाजुपि
बुद्धया धर्मय भिक्षु जूगुलि भगवानया प्रती तसतं क्रोध याना
भगवानया थाय वना जथाभावि म्हुतुल्हाना धाःगुली भगवान-
या मधूर शब्द आग्या जूगु न्यना ज्ञानं श्वीको मन प्रसन्न
प्रार्थनां प्रव्रजित जुया अर्हत्व फल प्राप्त जुल ।

छन्हु धर्म-सभाय भिक्षुपिनि व खँया चर्चा जुल- 'आउस !
बुद्धया गुण आश्चर्य हे खः, प्यह्य दाजुकिजापि छह्यथ्य छह्य
तमं चूर जुया आक्रोस याः वः पित्त भगवानं उद्धार याना
विज्यात । 'भिक्षुपिनिगु थ्व खँया चर्चा न्यना भगवानं-
भिक्षुपि ! शान्तिबलयुक्तया कारणं क्रोधिपिनि प्रती अक्रोध
जुइगु महाजन- समूहया उद्धारयाना च्वना धैविज्यासे गाथा-
३६६- अक्कोसं बध्वन्धञ्च, अदु ट्ठो यो ति तिक्खति ।

खन्तिबलं बला निकं, तमहं ब्रूमि ब्राह्मणं ॥१७॥

अर्थ- गुपि विना दूषित (= चित्त) याना बोवी, बध्व व

बन्धनयातसह याइ क्षमा बलहे वया बल (= सेना) या
सेनापति खः वैतहे ब्राह्मण धाइ ।

२६.२३ संग्रह रहित ब्राम्हण खः

प्यम्ह श्रामणेरया कथा

भगवान जेतवन विहारय बिज्याना च्वंगु छगू समय छह्य
ब्राह्मण प्यह्य भिक्षुपिन्त भोजन निमन्त्रणं तयार याका विहा-
रय वना आवाहनं शङ्किच्च, पण्डित, सोपाक व रेवत प्यह्य
न्हेदँया अवस्थापि श्रामणेर बोना बल । ब्राह्मणी चिचीधिकपि
श्रामणेरपि खना मनय असन्तुष्ट जुल । इमत क्वेया आसनय
तया हाकनं ब्राह्मणैत छह्य बृद्ध भिक्षु बोना वा धया कायके
छोत । ब्राह्मणं विहारय वना सारिपुत्र स्थवीर बोना बल ।
वस्पोलं अन श्रामणेरपि खनेवं पात्र लितकया ल्याहाँबिज्यात ।
हाकनं ब्राह्मणं ब्राह्मणीया वचनं विहारय वना महामौद्गल्या-
यन स्थवीर बोना बल । वस्पोलं नं श्रामणेरपि खनेवं ल्याहाँ
बिज्यात । अनलि ब्राम्हणीनं छम्ह बृद्ध ब्राम्हण जुसां सःता
हति धया छोत । उगु समय सक्र (= देवराज इन्द्र) श्रामणेर
पि सुथंनिसें पीका नय पित्याक तैतगु खना बृद्ध ब्राम्हणया भेष
कया वैच्वंभ्यात ब्राम्हणं खंका प्रसन्न जुया छेँ बोना हल ।
छेँ थेनेवं श्रामणेरपिन्त प्रणाम याना क्वेया आसन बयँचवन ।
ब्राम्हणीनं उगु दृश्य खना तःसतँ असन्तुष्ट जुया लित छोयगु
खँल्हात । ब्राम्हणं थना छोय मफया ब्राम्हणीनापं निम्ह स्यनं
लपू जोना इसाथिसा यात नं थनां थने मफया थकीत जुल ।

(१०)

लिपा का का भोजन याकाछो धया श्रामणेरपिनि कोसं तया भोजन याकल । भोजन धुनेवं श्रामणेरपि आकास मार्ग वन, बृद्ध ब्राम्हण पृथ्वी लं प्रस्थान यात । अब्लेनिसं व छेँया पञ्च-छिद्र छेँ धया नाम जुल ।

श्रामणेरपि विहारय थेनेव भिक्षुपिसं खँ न्यना थ्वीका धाल- 'छु आउस ! ब्राम्हणी नं क्रोध याबले छिमि तँप्याहाँ मवला ?' श्रामणेरपिसं- 'मव भन्ते' धाल । भिक्षुपिसं श्रामणेर पिनि तँ मव धाल कूठ खँ धया अर्हत्व प्रकट यात वँगु स्वचय् याना भगवानया थाय् वनाकन । भगवानं- 'भिक्षुपि! क्षीणा श्रव विरोधिपिनापनं विरोध याइ मखु' वँबिज्यासे गाथा-

४०६- अविरुद्धं विरुद्धेसु, अत्तदण्डे सु निब्बुतं, ।

सादाने सु अनादानं, तमहं ब्रूमि ब्राम्हण ॥२४॥

अर्थ- गुपि विरोधिपिनि विचय विरोधि रहित ज्वी गुपि डण्ड धारिपिनि विचय दण्ड रहित ज्वी, संग्रहीपिनि विचय संग्रह-रहित ज्वी वँतहे जि ब्राम्हण धाय ।

इतिवृत्तक

१.३.२ पुण्य सुखयाहे नाम खः

जि थथे न्यना- छगू समय भगवानं आज्जा जुयाबिज्यागु- भिक्षुपि ! पुण्य कर्म यायत ग्यायमत्य । भिक्षुपि ! थ्व पुण्य इष्ट कान्त, प्रिय, मनाप सुखयाहे नाम खः । भिक्षुपि ! जि आपाल दिन तक यानावँगु पुण्यया इष्ट, कान्त, प्रिय, मनाप

(२१)

फल आपालं दिनतक भोग यानावैगु स्यु । न्हेदँ तक मैत्री
 चित्तया भावना याना न्हेगू संवर्त (= प्रलय) व विवर्त
 (= सृष्टि) कल्पतक थ्वलोकय ल्याहाँ मवया । भिक्षुपि !
 संवर्त (= प्रलय) ज्वीगु कल्पय आभास्वर (-ब्रह्मलोकय्)
 च्वना, विवर्त(सृष्टि) ज्वीगु कल्पय सून्य ब्रह्म विमानयउत्पन्न
 जुया भिक्षुपि ! अनजि ब्रह्मा, महाब्रह्मा, अभिभू अजित,
 सर्वद्रष्टा, बशवर्ति वनाः च्वना । भिवुपि ! जि स्थीखुक देवेन्द्र
 शक्र जुया सैकडों बार धार्मिक, धर्मराजा, प्यंगू द्वीप विजय
 प्राप्त याना, जनपदय् शान्ति स्थापित याना सप्तरत्नं युक्त
 चक्र बर्ति राजा जुया । प्रदेस राज्यया राजा जुयागु या छुखँ ।
 भिक्षुपि ! जितः थथे बिचार वल-थ्वजितः गजागु छुकर्म या
 फलखः, कि कर्मया बिपाक खः गुकि जिथुगु समय थजागु
 तप व थजागु प्रतापि ज्वीदत? अकि भिक्षुपि ! जित थ्व
 बिचार जुल-थ्व जिगु स्वंगू कर्मया फलखः, स्वंगू कर्मया
 विपाक खः गथे कि-दानया (इन्द्रिय) दमन या संयम या
 फलखः । तातपर्य-संवर्त-थ्व छगु कल्पना नामखः । प्रलय
 ज्वीगु यातहे संवर्त कल्प धाइगु खः । संसारया प्रलय न्हेगूवार
 अग्नि ज्वी । च्यागु वारय लखं प्रलय ज्वी जब थुगु तरहं ख्वी
 प्यक बार पुरय जुया ख्वीन्याकगु वारय बायु नं प्रलय ज्वी
 बौद्ध धर्मया अनुसार प्रलय अथवा संवर्त कल्पया थ्व क्रम सदां
 न्ह्याना च्वनी । विवर्त-संवर्त कल्पं लिपा गुलितक प्रलयया
 दृश्य जुया च्वनी, वैत संवर्त स्थायी कल्प धाइ । उकिया लि
 ज्व सृष्टि प्रारम्भ ज्वी आभास्वर ब्रह्मलोकं च्युत जुया सत्त्व
 अनं क्वाहावै विस्तार विस्तारं रसापृथ्वी आदि निर्माण प्रारम्भ

ज्वी वैतहे विवर्त-काल घैतःगु खः । सृष्टि-कालया हे श्वना मत्रः । आभास्वर-दुतिय ध्यान प्राप्त व्यक्ति दुतिय ध्यानया भूमि स्वंगूमध्य लय्या ब्रह्मलोकय उत्पन्न ज्वी । व स्वंगू परि-त्ताभ (= अल्पप्रकाशपि) अप्पमाणाभ (= असीमित प्रकाश पि) व आभास्वर घैगु ब्रह्माया शरीरं दन्कय जुया च्यागु मि ज्वाला समान सर्वदा प्रकास फैलय जुयाच्चनी अथवा प्यंगू दिसासं प्रकास फैलय जुयाच्चनी उकिया कारणं उगु ब्रम्ह लोकयात आभास्वर धागु खः सृष्टिया प्रारम्भय अनं च्युत जुया सत्व सुन्य ब्रम्ह विमानय क्वाहावै छसीकथं रसापृथ्वी उत्पन्न जूगु सेवन याना क्रमश पृथ्वी निर्माण ज्वी व उकी उत्तरे जुया मानव जातिया न्हूगु रचना प्रारम्भ ज्वी ।

‘श्रेष्ठ सुखदायक पुण्य कर्मया । गच्छि अनुसार दान बी फयकि, सम आचरण याना, मैत्री-चित्तया भावनाया । श्व स्वंगूलि सुखदायक धर्मया भावना याना बुद्धिमान व्यक्ति दुःख रहित सुख लोक (= ब्रम्हलोकय) उत्पन्न जूवती ।’

विमान कथा

२.५ मल्लिका विमान

तथागत सम्यक सम्बुद्ध भगवान सारनाथय धर्मचक्र प्रव-र्तननिसें कुशिनगरय सुभद्र परिव्राजकयात धर्म उपदेसं प्रव्रजित दिक्षीततक बुद्ध कृत्य सिधयका मल्ल राजापिनि उपवन शा-लोद्यानय निमाशाल वृक्षया विचय बैशाख पूर्णिमा खुनु भग-वानया अनुपादि शेष महापरिनिर्वाण जूगु मूर्ति, देव मनुष्यपिसं लोकनाथया सरीरय पूजा यात ।

(२३)

उगुबखतय कुशीनगरया-बन्धुलया भार्या, मल्लराजपुत्री
मल्लिका उपासिका नं श्रद्धाय प्रशन्न जुया । महालता प्रसाधन
गुंगूकोटि वंगु तिसा दैच्वंगु सफासुधर याना सुगन्ध पुष्पमाला
साथ तथा भगवानया शरीर धातुइ पूजा यात । उम्ह उपा-
सिकाया आयु फुना मृत्यु जुस्यलि त्रयत्रिंश दिव्यलोकय उत्पन्न
जुल । उगु पूजाया प्रभावं मेपि देवतापियाबेविशाल दिव्य-
सम्पत्ति-सप्त रत्न व सुवर्णप्रभा दिसापत्ति तेज प्रकाश दैच्वंगु ।
देवचारिका बिज्याबले आयुष्मान नारदं अन थेनेव उम्ह देवता
न्ह्योम्य वया वन्दना याना विन्तियाना दना च्वम्हयाके न्योगु
गाथा-

१. 'पीतवत्थे पीत धजे, पीतालङ्कार भूसिते ।
पीतन्त राहि वगूहि, अपिलन्धा व सोभति ॥
२. 'का कम्बुकायूर धरे, कञ्चनावेल भूसिते ।
हेमजालकसञ्छन्ने, नानारतन मालिनी ॥'
३. 'सोबणमया लोहितङ्ग मयाच,
मुत्तासया बेलुरिय मया च ।
मसारगल्ला सहलोहितङ्गा,
पारेवत्त वस्त्रीहि मणिहिचित्ता ॥'
४. 'कोचि कोचि एत्थ मयूर सुस्सरो,
हं सस्स रञ्जो करवीक सुस्सरो ।
तेसं सरो सुय्यति वग्गु रूपो,
पञ्चङ्गिकं तूरियमि वप्पवादितां ।'
५. 'रथोचत्ते सुभोवग्गु नाना रतन चित्तितो ।
नाना वण्णा हिघातू हि सुविभत्तो वसोभति ॥'

(२४)

६. 'तस्मिन्मरथे कश्चन बिम्ब वण्णो ।

यात्वं ठिता भाससिमं पदेसं ॥

देवते पुच्छीता चिक्ख किस्स कम्मस्सि दं फलं ति ॥'

अर्थ- १. म्हासु वस्त्र व ध्वजा तथा म्हासुगु अलङ्कार
भूषित सुन्दर वर्णशोभाय मान ।

२. कन्चन लता हेमजालं सिंगारय अनेक रत्न बाजु न्हा-
ना शोभायमान छ ।

३. सुवर्णं लालमणी, मोती, बैदूर्य, मसार गल्ल व बःखुं-
याथे मिखा मणी नं चित्रित छैन्य दुहा छ ।

४. आमकन- मयूर हंसराज व कोयलित्थे आवाज पञ्चाङ्ग
तूर्य नादनं तायदु ।

५. नानारत्न व धातुद्वारा जदेयानातःगु छंगु रथ शोभाय
मान खः ।

६. काश्चन बिम्बवर्णं रथय च्वना प्रकास फैलय जूम्ह छंके
न्यना च्वना छु वर्म यानावैगु पलं धजागु दिव्यसम्पत्ति प्राप्त
जूगु खः ?

देवतानं कंगु गाथा-

१. 'सोवण्ण जालं मणिसोवण्णचित्तितं;

मुत्ताचितं हेम जालेन छन्न ।

परिनिब्बुते गोतमे अप्पमेत्थे,

पसन्नचित्ता अहमा भिरोपयि ॥

२. 'ताहं कम्म करित्तवान, कुशल बुद्ध वण्णितं ।

अपेत सोका सुखिता, सम्पमोदा मनामया ति ॥'

अर्थ- १. ध्व मणि सुवर्णादि चित्रित सुवर्णं व हेमजालं

(२५)

मोतिजदित तुयूगु ध्व बिमाण प्राप्त जूगु खः- ध्व पुण्यया प्रभाव फल- जि मनुष्य जन्मय अप्रमेय जुया बिज्याम्ह महा- मानव करूणामय धर्मराज तथागत बुद्ध महापरिनिर्वाण जुया बिज्याय व वस्पोलया शरीर धातुई प्रसन्नतापूर्वक आभरण चढय याना पूजा यानागुया प्रभाव खः ।

२. भगवान बुद्धया उदेश न्यना कुसल कर्मयानागु पुन्य या फल थौं ध्व दिव्य सुख अनुभव प्राप्त जूगु खः ।

देवतानं कंगु अनुसार नेना वया आयुष्मान नारदं धर्म संग्राहक पित्त न्यंकुगु इम्सं न्यना संग्रहालय सम्मिलितयागु खः।

पेतकथा

१०. कूटविनिच्छयि पेतवत्थु (जालि फंसला याम्ह पेत कथा)

‘माली किरटी कायूरी’ धैगु गाथा- भगवान वेणुवनय बिज्याना च्वंबले उपदेश- राजगृह नगरया राजा बिम्बिसारं महिनाया खुन्हु थःथःपि सकसिनं उपोसथ (= अष्टसील) पालन यानावःथें छन्हु कर्मचारिपिके नं उपोसथ व्रत पालन जूला धया न्योबले उकीमध्य छम्ह मुद्दा सम्बन्धिःज्याय च्वंम्ह पिसुन वादि केश्या घुस कया जालि फंसला याना जूम्ह उपो- सथ व्रत पालन मजूसां मजू धाय ग्याना । ‘देव ! पालन याना धया कूट्टा खँ धाल । पिन्य वया छम्ह पासां छँ उपोसथ पालन याःला ? न्योबले मयाना राजाया भयं ग्याना धैगु खः धया जूगुखँ कन ।

अयसा अर्ध उपोसथ जूसां पालनया धागु पासाया वचन
 स्विकार याना छेँ वना विकाल भोजन मयासेँ अर्ध उपोसथ
 सील पालन यातः । लिपा प्वाखालि जूगुलि चान्हे बापुरोगं
 तः सतं वेदना जुया वहे रोगं मृत्यु जुल । अर्धउपोसथ पालन-
 या फलं छिदो कन्या परिवारं सेवा याइगु बिमानय उत्पन्न
 जुल । अजागु पुंन्य फल प्राप्त जुल नं । जालि फैसलाँ घुस
 काःगु दुराचार कर्म फलं याना थःगु जन्हुया ला थमंतुं च चः
 फुना नयमांगु बिपाक फल भोग यायमाल ।

छगू समय नारद स्थवीर गृद्धकूट पर्वतं क्वाहाँ बिज्याना
 चवंत्रले प्रेत खना गाथालं न्यन-

१. माली किरटी कायूरी, गत्तोते चन्दनुस्सदा ।
 पसन्न मुख वण्णोसि, सुरिय वण्णो वसोभति ॥
२. अमानुसा पारिसज्जा, य तेमे परिचारिका ।
 दस कञ्जा सहस्सानि, याते मा परिचारिका ।
 ता कम्बु कायूर धरा, कञ्चना वेलभूसिता ॥
३. महानु भावोसि तुवं, लोम हंस नरूपदा ।
 पिट्ठि मंसानि अत्तनो, सामं उक्कच्च खादसि ॥
४. किनु कायन वाचाय, मनसा दुक्कटं कतं ।
 किस्स कम्मविपाकेन, पिट्ठि मंसानि अत्तनो ।
 सामं उक्कच्च खाद सीति ॥

अर्थ- १. छ दिव्यमाला चन्दनादि विभूसित तेजप्रकाश
 दुम्ह प्रसन्नम्ह ।

२. दिव्य पारिसद थ्येँ छिदो परिचारिकापिसं सेवा याका
 च्वत्ता ।

३. छ स्वहे लोमहर्षण ज्वीक महानुभाव सम्पन्न जुयानं
थःगु जन्हुया ला थमंतुं च चः फुना छाय नै जुयागु ।

४. न्हापाया जन्मय काय वाकचित्त छु दुष्कर्म याना वया
थौं छं थःगु जन्हुया ला थमं तुं च चः फुना नया ज्वीमाल ।
धया न्योगुली प्रेतं थःमं न्हापाया जन्मय् दुराचार कर्म याना
वैगुया फल बिपाक कंगु गाथा-

१. अत्तनो हं अनत्थाय, जीवलोकय अचारिसं ।

पेसुञ्ज मुसावादेन, निकतिवच्च नाय च ॥

२. तत्था हं परिसं गन्त्वा, सच्च काले उपट्टिते ।

अत्थं धम्मं निराकत्वा, अधम्म मनुवत्तिसं ॥

३. एवं सोखादत्तानं यो होति पिट्ठिमंसिको ।

यथाहं अज्ज खादामि, पिट्ठि मंसानि अत्तनो ॥

४. तयिदं तया नारद, सामंदट्ठि,

अनुकम्पाकाय कुसला वदेय्युं ।

मापेसुणं मा चमुसा अभाणि,

माखो सिपिट्ठिमंसि कोतुवंति ॥

अर्थ- १. जि स्वहे राजगृहया सर्कारि कर्मचारि च्वना
मुद्दा सम्बन्धि कार्य अनर्थ दुःख ज्वीगु पैशुन्य वाचा, मृषावाद
ल्हाना ठगे याना घुस कैजुया ।

२. अनजि सभा ज्वीथाय थुगु लोक व परलोकया छुं
विचार भयासे अधर्म याना जुइ लात ।

३. गुम्ह मनुष्यं न्होने छता ल्युने छता खँल्हाना ज्यायाना
जुइ वैत थजागु दुःख कष्ट ज्वी गथे ? जि थ्व भोगयाना वै
च्वना जि थःगु जनफाया ला जि थमंतुं च चः फुना नया वै

(२८)

चवनेगु दुःख भोग यायमाल ।

४. हे नारद छल्पोलं स्वयं जिगु दुःख खना विज्यायधुं कल
मेपिनित थजागु दुःख कष्ट ज्वीगु पैसुन्य व ऊठ खँ न्ह्योने
छता ल्युने छता खँलहाना घुस कायगु कार्य बचय जुया दिन
हने फयके माल ।

थनंलि नारद स्थविर राजगृह नगरय भिक्षाटन याना
भोजनंलि भगवानया थाय वना वन्दना याना उम्ह प्रेतया
घटनाया खँकना बिनित्यागु । भगवानं धर्मसभाय धर्मोपदेश
जूगु परिषदपिन्त सार्थक जुल ।

थेरगाथा

३७ कुम्हा पुत्र सहायक सुदत्त

अवन्ती बेलु कण्ड नगरय छगू धनि परिवारय जन्म पुत्र-
या नाम सुदत्त वःचा धिक जुसें निसें कुम्हापुत्र पासा साथ
जुया मित्र सम्बन्ध कारणं सुदत्तयात नं कुम्हापुत्र सहायक धका
धायगु चलनं नाम विख्यात जुल । उम्ह सुदत्त भगवान बुद्धया
उपदेश न्यना प्रब्रजित जुया बासया थाय आपालं आगन्तुकपि
भिक्षुपि वय वन्य याना इगः मिगः जूगुलि वया मनय एकाग्र
मदुगुलि चित्तय थः थमं समऊययाना उदान गाथा-

असंयमिपि विचरण यायत नाना जनपदय वनाच्चनी
इपि समाधि वञ्चित खः इपि विचरणे छु लाभ सफल दे ?
अतः मनया अशांति शान्त याना ।
इच्छाया वसय मवंसे ध्यान या ॥३७॥

(२६)

उदान

९-स्नान व होम याना शुद्ध ज्वीमखु

थथे जि न्यना- भगवानं आग्याजुया बिज्यागु
छगु समय भगवान बुद्ध गयाय् गयाशीर्ष पर्वतय विहार
याना बिज्याना च्वंगु खः ।

उगु समय जटाधारी साधुपि हेमन्त ऋतु (पौष) मासया
च्यान्हु अत्यन्त ठंडी चान्हे, च्वापु गागु समय गया घाटय्
लखय् दुना मोल्हुया च्वंगु व लखं लुना लखे दुना थाहाँ वया
होमादि कर्मयाना शुद्ध ज्वी विचार कयाच्वंगु खः ।

थथे यानाच्वंगु खंका उगुसमय भगवानया श्रीमुखं उदान-
या ध्व शब्द ल्हानाबिज्यात-

‘स्नान ला सकलसे नं याना च्वं,

किन्तु, लखं शुद्ध ज्वीं धा गु मखु ।

स्वैके सत्य व धर्म दै,

वहे शुद्ध खः वहे ब्राम्हण खः ॥६॥



अनुवादकया मेमेगु सफू प्रकाश जुगु

- १) पञ्च स्कन्ध
- २) बुद्ध-धर्म-उपदेश संग्रह
- ३) बुद्ध वचनामृत
- ४) गोणपेत वत्थु
- ५) बुद्धोपदेश संक्षिप्त वाखँ
- ६) सद्धर्म सूत्र-संग्रह २ भाग
- ७) बुद्ध वचनामृत संग्रह ३ भाग

Dhamma.Digital

मुद्रकः ओम् प्रिन्टिङ्ग प्रेस, ओम बहाल, फोन २-२२४५७